

ASO LUA, 28 ME 2019

Na tauaofia le Fonotaga a le Fono Aoao Faitulafono i le itula e 9:10 i le taeao e tusa ai ma Polokalame o Fonotaga a le Palemene 2019/2020.

Tatalo.

FOFOGA FETALAI: Ou te faasilasila atu ua toe amatalia Taulumaga ma Galuega a le Fono Aoao Faitulafono.

MALELEGA MAI LE AO O LE MALO

“TUSI mo:

Le Fofoga Fetalai:

E tusa ai ma le Mataupu 59 o le Faavae o le Malo Tutoatasi o Samoa, ua ou tuuina atu nei le maliega i le Fono Aoao Faitulafono na te iloiloaina ai Tulafono Tau Faaofi ua faaalua iinei:

1. Tulafono Tau Faaofi o le Faatatauina o Tupe Faaopoopo (Nu.2) 2018/2019.
2. Tulafono Tau Faaofi o le Faatatauina o Tupe 2019/2020.

TUUINA ATU i lou nei Lima i lenei aso 27 o Me 2019ö.

Tuimalealiifano Vaaletoa Sualauvi II
O LE AO O LE MALO

28 ME 2019

FAAALIGA MAI LE TAITAI O LE MAOTA

E tusa ai ma le Tulafono Tumau 76 a le Palemene ua tuuina atu nei le Faaaliga i le Fono Aoaofa Faitulafono mo le iloiloaina o Tulafono Tau Faaofi ua faaaliga iinei:

1. Tulafono Tau Faaofi o Teuteuga o le Tulafono o Kamupani Tausi Mavaega 2019.
2. Tulafono Tau Faaofi o Teuteuga o le Tulafono o Kamupani 2019.
3. Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019.
4. Tulafono Tau Faaofi o Teuteuga o le Tulafono o Faaputuga Oa Faavae Resitalaina 2019.

TUUIINA ATU i lenei aso 27 Me i le tausaga 2019.

Hon TUILAEPA Dr. Sailele Malielegaoi
TAITAI O LE MAOTA

TUSI FAAMAONIA O LE TULAGA FAANATINATI

E tusa ai ma le Tulafono Tumau 100(2), ua tuuina atu nei le Faaaliga i le Fono Aoaofa Faitulafono mo le iloiloaina o Tulafono Tau Faaofi ua taua i lalo i lona Tulaga Faanatinati.

1. Tulafono Tau Faaofi o Teuteuga o le Tulafono o Kamupani Tausi Mavaega 2019.
2. Tulafono Tau Faaofi o Teuteuga o le Tulafono o Kamupani 2019.
3. Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019.
4. Tulafono Tau Faaofi o Teuteuga o le Tulafono o Faaputuga Oa Faavae Resitalaina 2019.

TUUIINA ATU i lou nei Lima i lenei aso 27 o Me i le tausaga 2019.

Hon TUILAEPA Dr. Sailele Malielegaoi.
TAITAI O LE MAOTA

28 ME 2019

ISI FAASILASILAGA A LE FOGO FETALAI

FOFOGA FETALAI: Faamalo le lagi e mama ma le soifua manuia, paia o le Palemene e ui lava ina vao eseese ao lea ua fuifui faatasi e pei o lea foi muagagana, o le Atua lava na ona ia aumaia lo outou soifua ma lo tatou ola ia mafai ona o tatou toe faatasi i lenei taeao e faatino tiute, feau ma galuega e ala i le valaauina e le Atua o a outou Afioga.

1. Ua nofoilo le mamalu o le atunuu i le taunuuga o le Faiga Filifiliga a le Itumalo Palota o Faasaleleaga Nu.2 lea sa faatoina i le aso 22 Mati 2019, e saili ai se Sui Usufono e faaauuina le tauaveina o le Nofoa o le Itumalo. O le taunuuga o le Faiga Palota laitiiti a le Itumalo, ua filifilia ai le **Tofa Namulauulu Papalii Sami Leota** e fai ma Tofi o le Itumalo. Ua taulimaina foi e le Fofoga Fetalai le Tusi Faamaonia o le filifilia, a lana Afioga i le Ao o le Malo. Peitai, e ao pea ona fofoga le Maota aemaise o le Itumalo o lo o tapuai mai, i le mafuaaga ua le faataunuuna ai le Tautoga o le Loto Faamaoni i le taeao nei o le sui usufono mamalu, e tusa ai ma tu ma aga masani a le Fono Aoaofaitulafono.

Mo le silafia e le mamalu o le Maota, aemaise o le Itumalo o lo o tapuai faafogafoga mai, ua talia e le Fofoga Fetalai le faanoi a le Tofa Namulauulu Papalii Sami Leota, e auai atu ai e fai ma Sui o le Atunuu i faalaga-maea a luni Lakapi o le Itulagi a Ausetalia ma le Pasefika, o lo o tauaofia i Fiti i le aso. O le ala lea ua le faataunuuna ai le faamoemoe o le Faatautoga a le Sui Filifilia. Talosia ia le faamoemoe o le Tofa Namulauulu o lo o fai ai ma Sui o le tatou atunuu e ala i le Palota i le tofiga Peresitene o le Faaitulagi leni i tulaga o lakapi.

2. AUMALAGA UNDP

O lo o ua tatou faatasi i le taeao nei ma Sui mai Ofisa o Palemene mai Ausetalia, Fiti, Tonga, Papua Niu Kini ma le Sui mai le Ofisa o le Palemene a Vanuatu, o lo o auai mai i lalo o le polokalame o le Floating Budget a le Faalapotopotoga o Malo Afaatasi po o le UNDP. O leni faamoemoe e aofia ai ma le semina mo Sui Usufono o le tatou Palemene i le vaiaso o lumanai. Ia faafeiloai atu ia tatou malo mai Ausetalia ma le Pasefika i le agaga faaaloalo. Ia manuia le faamoemoe ma le feagai ai ma tiute ao tatou i ai si o tatou nei atunuu.

28 ME 2019

TUUIINA ATU O PEPA

Na tolaulauina e le Failautusi Pepa nei ua faataatia i luga o le Laulau a Fono, e tusa ai ma T.T.49(2).

1. P.P.2019/2020 Nu.1, Lipoti Faaletausaga a le Ofisa Tausi Mavaega a le Malo 30 Iuni 2018.
2. P.P.2019/2020 Nu.2, Lipoti Faaletausaga a le Pulega o le Suavai 2017/2018.
3. P.P.2019/2020 Nu.3, Lipoti Faaletausaga a le Auaunaga Faa-Soifua Maoloina a le Atunuu 2017/2018.
4. P.P.2019/2020 Nu.4, Lipoti Faaletausaga a le Matagaluega o Leoleo 2017/2018.
5. P.P.2019/2020 Nu.5, Lipoti Faaletausaga a le Faalapotopotoga Malosi Faaletise 2017/2018.
6. P.P.2019/2020 Nu.6, Lipoti Faaletausaga a le Faalapotopotoga o Tau mo Faalavelave Faafuasei 2016/2017.
7. P.P.2019/2020 Nu.7, Lipoti Faaletausaga a le Matagaluega o Tupe 2016/2017.
8. P.P.2019/2020 Nu.8, Lipoti Faaletausaga a le Matagaluega o Tupe Tausaga Faaletupe 2017/2018.
9. P.P.2019/2020, Nu.9, Lipoti Faaletausaga a le Ofisa o Fuainumera Faamauina 2017/2018.
10. P.P.2019/2020 Nu.10, Lipoti Faaletausaga a le Auaunaga o Falepuipui ma le Toefuataina Tausaga Faaletupe Faaiuina aso 30 Iuni 2018.
11. P.P.2019/2020 Nu.11, Lipoti a le Komisi o le Toefuataiga o Tulafono a Samoa i le Iloiloga o le Tulafono o Meatotino 1952, Lipoti Faaii 23/18, Novema 2018.
12. P.P.2019/2020 Nu.12, Lipoti Faaletausaga a le Matagaluega o Tina ma Tamaitai, Atinae o Nuu ma Afioaga ma Agafesootai 2017/2018.
13. P.P.2019/2020 Nu.13, Lipoti Faaletausaga a le Auaunaga o Vaa a Samoa 2017/2018.
14. P.P.2019/2020 Nu.14, Lipoti Faaletausaga a le Falemeli o Samoa Tausaga Faaletupe 2017/2018.
15. P.P.2019/2020 Nu.15, Lipoti Faaletausaga a le Komisi o le Toefuataiga o Tulafono a Samoa 2017/2018.
16. P.P.2019/2020 Nu.16, Lipoti Faaletausaga a le Matagaluega o Fesootaiga ma Faamatalaga Tekonolosi 2017/2018.
17. P.P.2019/2020 Nu.17, Lipoti Faaletausaga a le Pulega o Felauaiga i le Laueleele 2017/2018.
18. P.P.2019/2020 Nu.18, Lipoti Faaletausaga a le Pulega o Uafu ma Taulaga Tausaga Faaletupe Faaiuina Aso 30 Iuni 2018.
19. P.P.2019/2020 Nu.19, Faamatalaga o Tupe a le Malo Tausaga Faaletupe Faaiuina aso 30 Iuni 2018.

28 ME 2019

Tuuina atu o Lipoti a Komiti Faa-Palemene

20. P.P.2019/2020 Nu.20, Lipoti Faaletausaga a le Faalapotopotoga o Vaa a Samoa 2017/2018.
21. P.P.2019/2020 Nu.68, Lipoti Faaletausaga a le Matagaluega o Faatoaga ma Faigafaiva 2017/2018.

TUUINA ATU O LIPOTI A KOMITI FAA-PALEMENE

Na tolaulauina e le Sui Failautusi Lipoti a Komiti Faa-Palemene nei ua faataatia i luga o le Laulau a Fono e tusa ai ma T.T.52(5).

1. P.P.2019/2020 Nu.34, Lipoti a le Komiti o Tulafono Tumau i le Tulafono Tau Faaofi o Teuteuga o le Tulafono o le Ao o le Malo 2018.
2. P.P.2019/2020 Nu.35, Lipoti a le Komiti o Tulafono Tumau i le P.P.2018/2019 Nu.52, Lipoti a le Komisi o le Toefuataiga o Tulafono a Samoa i le Toe Timata le Upega o Tulafono a Samoa Tesema 2017, Lipoti Faaiu 22/17.
3. P.P.2019/2020 Nu.36, Lipoti a le Komiti o Tulafono Tumau i le P.P.2018/2019 Nu.92, Lipoti Komisi o le Toefuataiga o Tulafono a Samoa i "Tulafono Faafoe o Taulumaga Faafaamasinoga tau le Va o Tagata" - Tulafono Faafoe o le Faamasinoga Mauluga 1980 ma Tulafono Faafoe o le Faamasinoga Faaitemalo 1971.
4. P.P.2019/2020 Nu.37, Lipoti a le Komiti o Tulafono Tumau i le P.P.2018/2019 Nu.95, Lipoti Faaletausaga a le Ofisa o le Komesina o Faiga Palota 2015/2016, Lipoti a le Komiti o Tulafono Tumau i le P.P.2018/2019 Nu.96, Lipoti Faaletausaga a le Ofisa o le Komesina o Faiga Palota 2016/2017, & Lipoti a le Komiti o Tulafono Tumau i le P.P.2018/2019 Nu.106, Lipoti Faaletausaga a le Ofisa o le Komesina o Faiga Palota 2017/2018.
5. P.P.2019/2020 Nu.40, Lipoti a le Komiti o Tulafono Tumau i le P.P.2018/2019 Nu.132, Lipoti Faaletausaga a le Ofisa o le Loia Sili 2015/2016, & Lipoti a le Komiti o Tulafono Tumau i le P.P.2018/2019 Nu.133, Lipoti Faaletausaga a le Ofisa o le Loia Sili 2016/2017.
6. P.P.2019/2020 Nu.42, Lipoti a le Komiti o Tulafono Tumau i le P.P.2018/2019 Nu.134, Lipoti Faaletausaga a le Matagaluega o le Palemia ma le Kapeneta 2017/2018.
7. P.P.2019/2020 Nu.43, Lipoti a le Komiti o Tulafono Tumau i le P.P.2018/2019 Nu.140, Lipoti Faaletausaga a le Ofisa o le Komesina o Sulufaiga 2016/2017.

28 ME 2019

Tuuina atu o Lipoti a Komiti Faa-Palemene

8. P.P.2019/2020 Nu.44, Lipoti a le Komiti o Tulafono Tumau i le P.P.2018/2019 Nu.164, Lipoti Faaletausaga a le Komisi o Galuega a le Malo 2017/2018.
9. P.P.2019/2020 Nu.45, Lipoti a le Komiti o Tupe Maua ma Tupe Totogi i le P.P.2018/2019 Nu.128, Lipoti Faaletausaga a le Matagaluega o Faalapotopotoga Tumaoti a le Malo 2017/2018.
10. P.P.2019/2020 Nu.46, Lipoti a le Komiti o Tupe Maua ma Tupe Totogi i le P.P.2018/2019 Nu.136, Lipoti Faaletausaga a le Faalapotopotoga o Suesuega Faasaaienisi a Samoa 2017/2018.
11. P.P.2019/2020 Nu.47, Lipoti a le Komiti o Tupe Maua ma Tupe Totogi i le P.P.2018/2019 Nu.137 & P.P.2018/2019 Nu.147, Lipoti Faaletausaga a le Pulega o Tagata Tafafao Maimoa Mai 2016-2017 & 2017/2018.
12. P.P.2019/2020 Nu.48, Lipoti a le Komiti o Tupe Maua ma Tupe Totogi i le P.P.2018/2019 Nu.139 & P.P.2018/2019 Nu.149, Lipoti Faaletausaga a le Pulega o Fale ma Malae Taalo a Samoa 2016/2017 & 2017/2018.
13. P.P.2019/2020 Nu.49, Lipoti a le Komiti o Tupe Maua ma Tupe Totogi i le P.P.2018/2019 Nu.141, Lipoti Faaletausaga a le Pulega o Tinei Mu ma Faalavelave Faafuasei 2017/2018.
14. P.P.2019/2020 Nu.50, Lipoti a le Komiti o Tupe Maua ma Tupe Totogi i le P.P.2018/2019 Nu.142, Lipoti Faaletausaga a le Faalapotopotoga o Inisiua tau Soifua a Samoa 2018.
15. P.P.2019/2020 Nu.51, Lipoti a le Komiti o Tupe Maua ma Tupe Totogi i le P.P.2018/2019 Nu.143, Lipoti Faaletausaga a le Faalapotopotoga o Fale a Samoa 2018.
16. P.P.2019/2020 Nu.52, Lipoti a le Komiti o Tupe Maua ma Tupe Totogi i le P.P.2018/2019 Nu.144, Lipoti Faaletausaga a le Ofisa Pule Faatonu 2018.
17. P.P.2019/2020 Nu.53, Lipoti a le Komiti o Tupe Maua ma Tupe Totogi i le P.P.2018/2019 Nu.145, Lipoti Faaletausaga a le Faletupe Tutotonu o Samoa Iulai 2012-Iuni 2017.
18. P.P.2019/2020 Nu.54, Lipoti a le Komiti o Tupe Maua ma Tupe Totogi i le P.P.2018/2019 Nu.146, Lipoti Faaletausaga a le Faletupe Tutotonu a Samoa Iulai 2017 - Iuni 2018.
19. P.P.2019/2020 Nu.57, Lipoti a le Komiti o le Vaega tau le Va Fealoai i le Tulafono Tau Faaofi o Teuteuga o le Tulafono o le Aoga tau Faatoaga a le Iunivesite o le Pasefika i Saute 2019.
20. P.P.2019/2020 Nu.58, Lipoti a le Komiti o le Vaega tau le Va Fealoai i le S.R.2019/1, Teuteuga o le Tulafono o le Soifua Maloloina 2019 - Faasilasilaga o le Amata Faamamaluina.

28 ME 2019

Lafo a le Taitai o le Maota e Tusa ai ma le Tulafono Tumaui 47

21. P.P.2019/2020 Nu.59, Lipoti a le Komiti o le Vaega tau le Va Fealoai i le S.R.2019/2, Tulafono o Faiaoga 2016 - Faasilasilaga o le Amata Faamamaluina.
22. P.P.2019/2020 Nu.60, Lipoti a le Komiti o le Vaega tau le Va Fealoai i le P.P.2018/2019 Nu. 148, Lipoti Faaletausaga a le Matagaluega Soifua Maloloina 2017/2018.
23. P.P.2019/2020 Nu.61, Lipoti a le Komiti o le Vaega tau le Va Fealoai i le P.P.2018/2019 Nu.150, Lipoti Faaletausaga a le Matagaluega Soifua Maloloina 2017/2018.
24. P.P.2019/2020 Nu.62, Lipoti a le Komiti o le Vaega tau le Tamaoaiga i le P.P.2018/2019 Nu.104, Lipoti Faaletausaga a le Faalapotopotoga a Esetete Tausi a Samoa 2016/2017.
25. P.P.2019/2020 Nu.63, Lipoti a le Komiti o le Vaega tau i le Tamaoaiga i le P.P.2019/2020 Nu.118, Lipoti Faaletausaga a le Matagaluega mo Tupe Maua 2017/2018.
26. P.P.2019/2020 Nu.64, Lipoti a le Komiti o le Vaega o Atinae Eeseese i le P.P.2018/2019 Nu.12, Lipoti Faaletausaga a le Matagaluega o Punaoa Faanatura ma Siosiomaga 2016/2017.
27. P.P.2019/2020 Nu.65, Lipoti a le Komiti o le Vaega o Atinae Eeseese i le S.R.2018/5, Tulafono Faatonutonu o Totogifuapauina o Laisene tau Fesootaiga 2018.
28. P.P.2019/2020 Nu.66, Lipoti a le Komiti o le Vaega tau Atinae Eeseese i le P.P.2018/2019 Nu.56, Lipoti Faaletausaga a le Pulega o Felauaiga i le Laueleele 2017.
29. P.P.2019/2020 Nu.67, Lipoti a le Komiti o le Vaega tau Atinae Eeseese i le P.P.2018/2019 Nu.131, Lipoti Faaletausaga a le Pulega o Malae Vaalele a Samoa 2018.

**LAFO A LE TAITAI O LE MAOTA E TUSA AI MA LE
TULAFONO TUMAUI 47**

FOFOGA FETALAI: Ou te tapa ma le faaaloalo lau Afioga i le Palemia.

Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI (Palemia): Lau Afioga i le Fofoga Fetalai ou te tulai atu ma le agaga faaaloalo e faatalofa atu i lau Afioga ma le mamalu o le tatou Maota i leni taeao fou i le maleifua mai i faguga lelei. E faatalofa atu foi i le faafogafoga mai a Samoa i ona tulaga faalupelupe. O lea ua toeitiiti atoa le itula o tolaulau mai le anoano o pepa ma galuega o feagai ma le tatou Maota nei.

28 ME 2019

Lafō mo le Faauī i Tua o le Tulafono Tau Faaofi

O le taua o le faafogafoga o le tatou Maota ma le atunuu e matua silafia ai le tele o le gasu o lo o feagai ma a outou Afioga, ae tasi lava le taunuuga ina ia soifua manuia lo tatou atunuu i atinae eseese o lo o nafa ma a outou Afioga na faauina ae tainane lo outou valaauina. Ou te tulai atu ma le agaga faaloalo e faatu le lafo lau Afioga i le Fofoga Fetalai ma le Maota, *Ina ia faaauu mai Galuega Tuua a le Palemene mai le Tauaofiaga 2018/2019 i le Tauaofiaga 2019/2020 e tusa ai ma le Tulafono Tumau 47, ma e pei ona faaalua i le Pepa Faaopoopo o Galuega 2019/2020 Nu.1.*

Faaluaina e le Sui Palemia ma le Minisita o Pisinisi, Alamanuia ma Leipa.

Na faamaonia le lafo.

LAFO MO LE FAAUI I TUA O LE TULAFONO TAU FAAOFI

FOFOGA FETALAI: Ou te tapa ma le faaloalo lau Afioga i le Palemia.

Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI: Lau Afioga i le Fofoga Fetalai ou te toe tulai atu foi e faatu le lafo, *Ina ia toe faauī i tua le Tulafono Tau Faaofi o Tagata Solitulafono Toe Faafoi Mai 2019, ona ua matauina e i ai nisi vaega e tatau ona toe tapenaina ina ia faaatoatoa ai le Tulafono. O le lafo lea ma le faaloalo.*

Faaluaina e le Sui Palemia ma le Minisita mo Pisinisi, Alamanuia ma Leipa.

Na faamaonia le lafo.

LAFO A LE KOMISI FAA-PALEMENE

FOFOGA FETALAI: Tulai mai lau Afioga i le Sui Taitaifono o le Komisi Faa-Palemene lau Afioga i le Sui Fofoga Fetalai.

Tofa NAFOITOA TALAIMANU KETI (Sui Taitaifono o le Komisi Faa-Palemene): Lau Afioga i le Fofoga Fetalai, ou te manatu o lea ua maea ona e lafo le upega o le talalelei, ua momoli foi mea i Faletui aua se tatou faasao ia Manuvao e sula ai le agalelei ma le alofa tutasi o le tatou Atua agalelei e saga viia ai pea Lona alofa lea ua mafua ai ona taumanuia le faigamalaga a le Maota ia aemaise le faafogafoga tapuai mai a le atunuu i lenei taeao matagofie. Ia i le Atua potō pea Lona viiga, le mamalu ma le Silisiliese, o ananafi, o le aso seia oo i e lua.

28 ME 2019

Lafa a le Komisi Faa-Palemene

E see lili'a foi le faatautaiga o lenei taeao e oo i le faamoemoe e afua ai ona ou tulai, aua o le Maota ua ato i le mamalu, ua poupu foi i paia ma ua fola foi i le vatapu ma le avafatafata ma le faaaloalo. Ou te tautala ai i le faaaloalo e faafeiloai i le Nofoa i lau Afioga i le Fofoga Fetalai, malo le soifua, malo foi le malaga. E faapea foi ona ou faatalofa i lena Itu o le Malu i le afio mai o lau Afioga i le Palemia, lau Afioga i le Sui Palemia ma le Aiga Kapeneta faapea foi Minisita Lagolago, matou te ofo alofa atu ma faafeiloai atu e faatalofa i lea itu o le Malo i le afifio o a outou afioga i Komiti Faa-Palemene ma sui mamalu uma o le Palemene i lenei taeao. E faapea foi ona faatalofa i le malutau e mai o Ofisa Sili o Pulega o Matagaluega ma Faalapotopotoga Tumaoti a le Malo. Malo le soifua malo foi le folau.

Lau Afioga i le Fofoga Fetalai, ua ou tulai atu e faatu le lafo, *Ina ia faamaonia e le Fono Aoa le toe fetuunaiga ua faia nei o Sui Usufono o Komiti Faa-Palemene e pei ona taua i lalo:*

1. *Komiti o Tulafono Tumau, Mataupu tau Faiga Palota, Talosaga & Tofiga Faale Faavae.*

NAFOITOA Talaimanu Ketu (Taitaifono)
FUIMAONO Teo Samuelu Teo (Sui Taitaifono)
Hon AEAU Peniamina Leavaiseeta
NONU Lose Niumata
AFOA Amituanai Faleulu

2. *Komiti o Tupe Maua ma Tupe Totogi*

ALIIMALEMANU Alofa Tuuau (Taitaifono)
Hon FAUMUINA Tiatia Faaolatane Liuga (Sui Taitaifono)
TOOMATA Aki Tuipea
NAMULAUULU Sami Leota
ILI Setefano Taateo Tafili

3. *Komiti o le Vaega tau le Tamaoaiga.*

Hon LAUOFO Fonotoe Nuafesili Pierre Lauofo (Taitaifono)
FAALOGO Iosefa Sopi (Sui Taitaifono)
Hon LAAULI Leuatea Polataivao
TOLEAFOA Ken Vaafusuaga
ILI Setefano Taateo Tafili

4. *Komiti o le Vaega tau le Va Fealoai*

Hon GATOLOAIFAANA Amataga Alesana Gidlow (Taitaifono)
LEAANA Ronnie Posini (Sui Taitaifono)
SULAMANAIA Fetaiai Tauiliili
AUMUA Isaia Lameko
OLO Fiti Afoa Vaai

28 ME 2019

Lafu a le Komisi Faa-Palemene

5. *Komiti o le Vaega o Atinae Eseeese*
TAFUA Maluelue Tafua (Taitaifono)
OLO Fiti Afoa Vaai (Sui Taitaifono)
FAAULUSAU Rosa Duffy - Stowers
FAUMUINA Asi Pauli Wayne Fong
TAPULESATELE Mauteni Tamasona Metuli II Esera

6. *Komisi Faa-Palemene*
Hon LEAUPEPE Taimaiono Toleafoa Faafisi (Taitaifono)
NAFOITOA Talaimanu Ketu (Sui Taitaifono)
Hon TUILAEPa Auelua Fatialofa Lupesoliai Lolofietele Neioti Aiono
Galumalemana Dr. Sailele Malielegaoi
Hon AEAU Peniamina Leavaiseeta

Faaluaina e Minisita o le Kapeneta.

Na faamaonia le lafo.

Tofa Olo Fiti Afoa Vaai (Salega i Sasae): Lau Afioga i le Fofoga Fetalai, malie lava lau Afioga na o sina mea lea e fia maua i ai se malamalamaaga mai lau Afioga. Lau Afioga o lea ua ou faalogologo atu i le tulaga o le tofiga o Komiti o lo o i ai le tatou uso le sui usufono mo Faasaleleaga Nu.2. E manusina le soa se finagalo o le Afioga i le Ao o Le Malo faapena foi se tuleiga i lau Afioga. Na ona ou fia malamalama lava i le tulaga o le aloaia o tofiga o le sui usufono mo Faasaleleaga Nu.2 ae le i faatinoa le tautoga e pei ona manino mai le Tulafono Tumau 14(2), e leai se fonotaga e auai, e le palota foi i se tulaga aloaia, a o lea ua ou faalogologo atu ma le agaga faaaloalo o lea ua tofia mai i Komiti Faa-Palemene. O lea e manino Komiti Faa-Palemene o lo o galulue e fai ma sui o le Palemene. O lona uiga la, i le agai i le humanai lau Afioga ma le faaaloalo, e ao lava ona faamamalu a tatou Tulafono Tumau.

E pei o se vaega lena lau Afioga i le Fofoga Fetalai e fia maua ai se faamalamalamaaga mai lau Afioga e tusa ai ma le lafo faatu e pei ona taoto mai nei i le Maota. Faafetai.

FOFOGA FETALAI: Malo faafetai, e pei ona silafia ua maea ona faatautoina e Le Ao Mamalu o le Malo e avea ma sui usufono o le Palemene. Ae o le toesea ona mo le tatou Fonotaga lena, e i ai le manatu foi lea e lou mai le ulu mamao ona o filifiliga o faapena ona le tolopo filifiliga a le Pasefika ma Ausetalia e ala i tulaga tofi o mea o taaloga lakapi. Ona manatu lea o le Fofoga Fetalai, e talia le faanoi, ona e... tatou saili malo i fafo, popo mai manu i fale.

28 ME 2019

**Tulafono Tau Faaofi o le Faatatauina o Tupe Faaopoopo (Nu.2)
2018/2019 - faitauga muamua**

E pei o le manatu lena na ala ai ona talia e le Fofoga Fetalai. A o le tulaga o le faamoemoe, leai o le loto faamaoni, o le tulaga lena lea tatou te i ai pei ona e taumafai e faatuina mai. Ae ona o le mea o lea ua pasia e le Komiti le toe fesui mai lea taimi i lea taimi, e faapena le tulaga o le tatou Tulafono Tumau.

O le mea la lea e faamalulu atu i le sui usufono mamalu ona o le tulaga lena o lo o faapena ona sau ai le tatou filifiliga o a tatou Komiti Faa-Palemene.

**TULAFONO TAU FAAOFI O LE FAATATAUINA O TUPE FAAOPOOPO
(Nu 2) 2018/2019 - faitauga muamua**

Afioga Hon SILI EPA TUIOTI: Lau Afioga i le Fofoga ou te faatu le lafo, *Ina ia faitauina nei le Tulafono Tau Faaofi o le Faatatauina o Tupe Faaopoopo (Nu 2) 2018/2019 i lona faitauga muamua.*

Faaluaina e le Minisita mo Tupe Maua ma le Minisita mo Aoga, Taaloga ma Aganuu.

Na faamaonia le lafo.

**TALA FAATATAU O TUPE FAAOPOOPO (Nu 2) 2018/2019
- faataatia i luga o le Laulau a Fono.**

FOFOGA FETALAI: Tulai mai lau Afioga i le Minisita o Tupe.

Na faataatia e le Minisita o Tupe, Afioga Hon Sili Epa Tuioti i luga o le Laulau a Fono le Tala Faatatau o Tupe Faaopoopo (Nu.2) 2018/2019.

**TULAFONO TAU FAAOFI O LE FAATATAUINA O TUPE FAAOPOOPO
(Nu 2) 2018/2019 - lafo mo le faitauga faalua**

FOFOGA FETALAI: Ou te tapa lau Afioga i le Minisita o Tupe.

Afioga Hon SILI EPA TUIOTI: Lau Afioga i le Fofoga Fetalai, ou te faatu le lafo, *Ina ia faitauina nei le Tulafono Tau Faaofi o le Faatatauina o Tupe Faaopoopo (Nu 2) 2018/2019 i lona faitauga faalua, ma o faamatalaga o Tupe Faaopoopo o le a aofia i le lauga o le Tala Autu o le tupe i le 2019/2020.*

Faaluaina e le Minisita mo Tupe Maua ma le Minisita mo Faatoaga, Vaomatua ma Faigafaiva.

28 ME 2019

**Tulafono Tau Faaofi o le Faatatauina o Tupe Faaopoopo (Nu.2)
2018/2019 - faitauga muamua**

FOFOGA FETALAI: E tusa ai ma Tulafono Tumau 132, o le a tolopo felafolafoaiga i le Tulafono Tau Faaofi o le Faatatauina o Tupe Faaopoopo (Nu 2) 2019/2020 e le itiiti ifo i le 14 aso ao tuuina atu le Tala Faatatau Autu o Tupe Faaopoopo (Nu 2) 2019/2020 mo le iloiloga a le Komiti o Tupe Maua ma Tupe Totogi ma toe lipoti mai i le Fono Aoao.

**TULAFONO TAU FAAOFI O LE FAATATAUINA O TUPE 2019/2020
- faitauga muamua**

FOFOGA FETALAI: Tulai mai lau Afioga i le Minisita o Tupe.

Afioga Hon SILI EPA TUIOTI: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o le Faatatauina o Tupe 2019/2020 i lona faitauga muamua.*

Faaluaina e le Minisita mo Aoga Taaloga ma Aganuu ma le Minisita mo Faatoaga ma Faigafaiva.

Na faamaonia le lafo.

**TALA FAATATAU AUTU O TUPE 2019/2020
- faataatia i luga o le Laulau a Fono**

Na faataatia e le Minisita o Tupe, Afioga Hon Sili Epa Tuioti le Tala Faatatau Autu o Tupe 2019/2020 i luga o le Laulau a Fono.

**TULAFONO TAU FAAOFI O LE FAATATAUINA O TUPE 2019/2020
- lafo mo le faitauga faalua**

Afioga Hon SILI EPA TUIOTI: Lau Afioga i le Fofoga Fetalai ou te faatu le lafo, *Ina ia faitauina le Tulafono Tau Faaofi o le Faatatauina o Tupe 2019/2020 i lona faitauga faalua.*

Faaluaina e le Minisita mo Aoga, Taaloga ma Aganuu ma le Minisita mo Tupe Maua.

FOFOGA FETALAI: Ia, ou te tapa ma le faaaloalo lau Afioga i le Minisita o Tupe mo lau Saunoaga o le Tala Faatatau Autu o le Tupe 2019/2020.

28 ME 2019

SAUNOAGA O LE TALA FA'ATATAU AUTŪ O LE TUPE 2019/2020
"Ia autasi le vaai taula'i mo se manuia o Samoa"

Afioga Hon SILI EPA TUIOTI: Lau Afioga i le Fofoga Fetalai:
 E tusa ai ma le Tulafono Tumau 131, e ia te aʻu le ava tele ma le faaloalo e tatau ai, e fai ai aʻu ma sui o le Malo ou te tuuina atu se ootoga o le Tala Faatatau Autu o le Tupe mo le tausaga faale-tupe 2019/2020 i luma o le laulauafono a le Palemene.

I. FAVAE O LE TALA O LE TUPE

Lau Afioga i le Fofoga Fetalai,

A o tatou aga'i atu i la tatou savaliga o le tausaga faaletupe 2019/2020, e ao pea ona tatou tepa i tua ma fesili, "O a galuega ma mat ti'a sa mafai ona ausia e lo tatou Malo i tausaga faaletupe e lua ua tuana'i atu?".

Lau Afioga ile Fofoga Fetalai,

I le maeʻa ai o le tausaga faaletupe 2015/2016 lea sa faʻamauina ai le siʻitia mauuluga o le tamaoaiga i le 8.1%, sa matauina le faaititia o lea siʻitaga i tausaga e lua sa mulimuli mai. E na o le 1% sa siʻitia ai le tamaoaiga i le Tausaga Faaletupe 2016/2017 ae faamauina le pa' maualalo i le 2.2% i le tausaga 2017/2018 ona o mafua'aga e aofia ai: le maeʻa fausiaina o atina'e tetele o faletalimalo e lua i le Taulaga i Apia ma le maeʻa ai o le taligamalo a Samoa i Taaloga mo Tupulaga Talavou o Malo o le Taupulega, aemaise o le tulaga malosi i le vaega maʻoti o faigafaiva lea sa una'ia ma mauuluga ai le tamaoaiga i le tausaga 2015/2016. Mo le 2017/2018, o le tapunia ai o le Kamupani o le Yazaki Samoa i lea vaiata faatasi ai ma a'afiaga lautele i le tamaoaiga i le tuana'i ai o le Afa o Gita ia Fepuari 2018 sa matua'i afaina ai lo tatou tamaoaiga.

O faamatalaga i le tamaoaiga ua ou ta'ua i luga ua suia mai lea i faamaumauga sa iai i le lima tausaga ua tuana'i e fua i galuega ma fautuaga a le Ofisa o Fuainumera Faamauina e pei ona mulimulita'i ai i faiga faavae masani ma aiaiga faavaomalo mo le itu tau tamaoaiga. O le galuega mo le toe faavasegaina o le tamaoaiga e fua i le fesiita'i o le tau o oloa ma fefaatauaiga faapea le malosi faatulagaina o le tamaoaiga mai lea taimi i lea taimi.

O le tausaga o lo'o faagasolo nei 2018/2019, o se tausaga maoa'e lea i le tele o atina'e tetele a le Malo sa faatinoina ai. O le taligamalo a Samoa i Taaloga o le Pasefika o lo'o ave ai pea le faamuamua faatasi ai ma le faama'eaina o le galuega mo le toe faamatagofieina o le Taulaga i Apia faapea atina'e o alatetele o lo'o faagasolo pea i le taimi nei. E le gata i lea, o le tausaga faaletupe fo'i leni sa talimalo ai Samoa i le Fonotaga o Faʻamasino a le Pasefika, le fonotaga mo Minisita o le Va i Fafu mo le Pasefika, faʻatasi ai ma le Fonotaga mo le Iloiloga o le Taiala o le SAMOA Pathway.

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

Mo le vaega o faiga faavae tau tupe, sa matauina le lelei faatinoina o teugatupe mo faletupe i totonu o Samoa e fua i le tulaga malosi o tupe faaulufale mai fafo faatasi ai ma le faafoeina tatau o le maualuga o tupe tului e talafeagai ma le malosi o le tamaoaiga i lenei vaitau.

E faaopo'opo i nei galuega ma atina'e fa'auau i totonu o le sefululua masina ua tuana'i atu, nisi o matafaioi masani a le Malo e aofia ai le fa'auauina o le iloiloga o faiga faavae ina ia siitia ma saga faaleleia ai le auaunaga i le atunu'u i le vaega o le soifua maloloina, fesoota'iga faatekonolosi faatasi ai ma le vaega o femalaga'iga. O le agaga maualuga i le Malo, o le si'itia lea o le soifuaga auiluma o tagatanu'u uma o Samoa.

Lau Afioga i le Fofoga Fetalai,

A o tatou tapena mo le lumanai, e ao lava ona tatou toe t - manatu i sini autu sa limata'itaiina ai la tatou folauga i tausaga ua mavae. O le tausaga 2015/16, sa faavaeina ai le Tala o le Tupe i le sini autu *“fua le mana’o i le seleni ua maua”*. O se faamanatu e tatau ia i tatou ona mata'itu lelei le faaogaina o a tatou tupe maua ma fua a tatou atina'e i le malosi ole tamaoaiga. O le 2016/2017 sa tatou mulimulita'ia ai i le feau *“faamalosi le faavae ma tapena mo a taeao”*, o se sini autu ua faamausal ai le naunauta'iga e mataitu lelei ma taofiofi tupe alu, unai le pulea lelei o tupe ma ave le faamuamua i le si'itia o auaunaga faa- soifua maloloina ma aoaoga. Mo le tausaga 2017/2018, sa faavaeina le Tala o le Tupe i le sini autu *“ogava’a tutusa ma le talafeagai”*. O se feau taua tele mo tagata uma ina ia tatou faisaofaga ma galulue faatasi mo le atina'eina o le tatou atunu'u.

O le sini autu o le tausaga faaletupe o lo'o faagasolo nei 2018/2019 - *“Filifiliga Toa”*, o lo'o atagia ai lu'itau ma le galuega f t o le toe fetu'una'iga o vaegatupe a le Malo e tali atu ai i mana'oga a le atunu'u i le taimi nei ma le vaai taula'ia mo augatupulaga o Samoa i le lumanai. O lenei sini autu o lo'o sosolo lava i fuafuaga ma polokalame a le Malo e ave le faamuamua i le unai o le soifua maloloina o le atunu'u faapea aoga amata a le fanau.

Lau Afioga i le Fofoga Fetalai,

E taua le nofo silafia e lo outou mamalu o galuega sa faatinoina i la tatou folauga i tausaga ua mavae. O se savaliga o lo'o atagia ai le mausali ma le maut o faiga faavae a le Malo ua tapena lelei e siitia ma faaleleia ai ana auaunaga mo le atunu'u lautele aemaise o le fa'auauina o atina'e tetele e lagolagosua i taumafaiga eseese e siitia ai le tamaoaiga o le atunu'u.

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

Lau Afioga i le Fofoga Fetalai,

O le agaga maualuga o le Malo, o le tapena lelei lea o se taiala ua mautinoa o le a fesoasoani i le faatonu folauina o la tatou sa e ala i polokalame ma atina'e e siitia maualuga ai le tamaoaiga o le atunu'u. E faamoemoe lenei taunuuga i lo tatou talitonuga e mafai ona tatou ausia nei laasaga uma pe a lelei tapena a tatou faiga faavae ma lava sauni lo tatou Malo i ana faaiuga fai.

Lau Afioga i le Fofoga Fetalai,

Ou te faailoa atu fo'i i le mamalu o le Palemene nei, le fa'aauuina lea o asiasiga Faaletausaga a le Faalapotopotoga o Faaputugatupe Faavaomalo, poʻo le International Monitoring Fund (IMF) lea sa faatinoina ia Mati o le tausaga nei. E taua ma aoga tele lenei faiga faapa'aga i tausaga ta'itasi lea ua ta'ua o le Article IV Mission, e le gata ina faasoa mai ai sui o le IMF i lu'itau o lo'o feagai nei ma le atunuu ae o se avanoa taua foi e tatou te faasoa ai i metotia talafeagai e fofo ma faaleleia ai lu'itau o lo'o vaivai ai lo tatou tamaoaiga. O nisi o aafiaga ua faailoa mai i lenei lipoti faaletausaga e aofia ai le tulaga ma'aleale o le tamaoaiga o Samoa ona o a'afiaga i suiga o le tau faatasi ai ma le tulaga vaivai o le tamaoaiga o le lalolagi. O nei tulaga le ma'alofia e ono toe si'itia ai a tatou aitalafu i le lumana'i ma e faamamafa la'u faamatalaga i tupe moomia e faatino ai galuega lavea'i atoa ai ma le toe faafo'isia o mea o le a faaleagaina pe a fa'aauau pea ona aafia Samoa i mala faalenatura i le lumana'i.

Lau Afioga i le Fofoga Fetalai,

Ou te fialia fo'i e faailoa atu le faamauina ai i suesuega a le Faalapotopotoga o le IMF o lona lagolagoina lea o faiga faavae, galuega ma fuafuaga a le Malo e tali atu ai i aafiaga e ono lepetia ai a tatou taumafaiga e atia'e ai lo tatou tamaoaiga. Ua latou faailoa mai fo'i le tulaga malosia o a tatou faiga faapa'aga e pei ona manino i le fa'aauuina ai o nei asiasiga aemaise o le fa'aaoga tatau o fesoasoani ma fautuaga o lo'o tuuina mai e le Faalapotopotoga i tausaga ta'itasi.

II. VAAIGA TAULA'I I LE LUMANAI

Lau Afioga i le Fofoga Fetalai,

O lo'o matauina lava le tulaga vaivai o le tamaoaiga o le lalolagi, lea e l o mafai lava ona ausia faailoilo sa faatatauina mo tausaga soso'o ua tuana'i atu. E ui i lea o lo'o matauina le si'isi'ia malie pea i luga o le tulaga o maketi mo tagata faigaluega i atunu'u o lo'o tele ai a tatou fefa'ataua'iga e aofia ai Ausetalia, Niu Sila ma Amerika. O le tau o le soifuaga i nei atunu'u o lo'o matauina fo'i le tulaga maualalo atu na i lo le tapula'a e 4% o lo'o faatulagaina mo Samoa.

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

O loo faaauauina fo’i i le taimi nei le tulaga ma’aleale o le tamaoaiga o le lalolagi e afua mai i feseeseaiga i tulaga o fefaatauaiga a atunuu tetele o le lalolagi lea sa amata mai i le tausaga 2018. O nei tulaga uma e ono aafia ai taumafaiga e toe siotia le tulaga o le tamaoaiga o le lalolagi faatasi ai ma atunu’u laiti e aafia ai ma Samoa.

Lau Afioga i le Fofoga Fetalai,

E le gata i luga o ta’ua i luga, ou te fia faataua lava a’afiaga e afua i suiga o le tau lea ua ta’ua ose faafitauli ua aupito sili ona maoa’e mo atumotu laiti o le lalolagi e aafia ai ma Samoa, i le taimi nei. E l o malolo le tatou Faigamalo i ana sailiiliga i auala e vave tali atu ai i galuega lavea’i faatasi ai ma le toe faalelei o nofoaga aafia pe a tula’i mai mala faalenatura i le lumana’i. O nei gaoiga e aafia ai le auai o Samoa ma atumotu ole Pasefika i taumafaiga so’ofaatasi o lo’o una’ia e le Faletupe o le Lalolagi mo se faaputugatupe inisiua mo le Pasefika; fa’auauina lea o talanoaga ma pa’aga i fesoasoani i le taimi o faalavelave tutupu faafuase’i; ma le faatuina aloa’ia ose Faaputugatupe Fapitoa a le Malo o Samoa mo le faamoemoe e inisiua ai ana lava ia Aseta tetele ma Meatotino ina ia vave tali atu i manaoga faafuase’i a le atunu’u i le tuana’i ai o mala faalenatura.

Lau Afioga i le Fofoga Fetalai,

O atina’e uma e pei ona folasia muamua, o loo faamoemoe e ono una’ia ai le tamaoaiga o le atunu’u i totonu o le tausaga faaletupe o loo faagasolo nei ma e ono faamauina ai se siotaga maualuga e tusa ma le 3.9% e fua i le siitia maualuga o lo’o faamauina i le vaega o atina’e, femalagaiga ma le turisi. E talitonu o nei atina’e o le a faatupula’ia ai fo’i ma lafoga e mafai ona aoina e le Malo ma o le a mafai ai ona ausia le tapula’a o loo iai nei mo le Tala o le Tupe 2018/2019.

O loo faamoemoe fo’i o le a faaauauina le faatupula’ia o le tamaoaiga i le 2019/2020 i le 4.9% talu ai le tuufaatasia o faamanuiaga mai i le taligamalo a Samoa i Taaloga o le Pasefika faatasi ai ma isi fonotaga faavaomalo e aafia ai galuega moomia mo le faaleleia o le tamaoaiga, ae o se galuega fo’i e tapenapena ma sauniuni ai Samoa mo taimi uma e ono fa’ate’ia ai i suiga e le’i fuafuaina.

Lau Afioga i le Fofoga Fetalai,

Ou te fia fa’aogaina fo’i lenei avanoa taua e faailoa aloa’ia atu ai i lo outou mamalu se tasi o atina’e ma fuafuaga alualu mamao a lo tatou Malo i le Tausaga 2019, ua ta’ua ole "TAIALA MO SAMOA 2040", ma o se vaaiga taula’i ale Malo ma lenei Faigamalo e le’i faafuaveta ona fai.

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

E pei ona silafia ma manino i tou afioga i sui mamalu, o Samoa o se tasi o atunu'u na mua i malae i atumotu o le Pasefika i le lelei faatulagaina o ana taiala mo le atina'e i tausaga ua tuana'i atu. I le taimi nei, ua alagataua ona toe faatulaga a tatou taiala mo le lumana'i ina ia o gatasi ma suiga o le soifuaga i lenei vaiataua ua matauina ai nisi o tulaga faaletonu ma le vaivai o le tamaoaga ona o suiga ma uiga maaleale ua tula'i mai, e pei ona ou ta'ua muamua.

O lenei taiala o le a silasila toto'a ai fo'i le Malo i auala e faamalosia ma faatuputupula'ia ai le tamaoaga e ala ile faaleleia atili o auunaga mai vaega ma'oti. E fitu ni vaega ua manatu le Malo e mafai ona atia'e ma ausia ai se tamaoaga e le gata ina malosi ma mausali ae mafai ona gafataulimaina so'o se luita'u i le lumana'i. O nei vaega e aofia ai le: Siitia o le Tulaga Tau Fesootaiga Faatekonolosi; Faatupula'ia pea turisi asiasi mai i lo tatou atunu'u aemaise le siitia o le tupe maua mai turisi; faatupula'ia pea o avanoa faigaluega faavaitaimi i atunu'u mamao; siitia le tulaga o Faatoaga ma lona sao ile tamaoaga; Faamalosia o Atina'e gafataulimaina; ausia se soifuaga to'afimalie ma le saogalemu o Samoa; ma le siitia maualuga o le ola aoina ma le soifua maloloina o a tatou tagata.

Ou te fia faaopo'opo i le taua o le ola a'oa'oina ma le soifua maloloina o le atunu'u ma e patino sau faamatalaga i se fuafuaga o lo'o silasila iai le Malo i le taimi nei ina ia siitia le ola aoina o le fanau. O le mea moni e taua le iai ose Iunivesite e a'otauina ai alo ma fanau o Samoa ae ua matauina fo'i le l mafai ona fa'aaogaina o lenei avanoa taua e nisi o fanau ona o le tulaga vaivai o le tamaoaga o a latou aiga. O lea ua iai le faamoemoe ina ia toe silasila le Malo i se auala e fesoasoani ma faamamaavega ai i e o lo'o fia maua lenei avanoa taua e faalauteleina ai le potu male atamai mo se lumana'i manuia o aiga.

E fia faaopo'opo fo'i i nisi o atina'e o lo'o unai'a e le Malo i le taimi nei lea ua amata lagolagosua ai i le tatou "Taiala mo Samoa 2040". O nei fuafuaga e aofia ai polokalame ma atina'e i le itu tau fesootaiga faatekonolosi lea ua siitia maualuga nei i le ma'ea ai o poloketi tetele a le Malo e aofia ai le Submarine Cable; fa'aaauina o polokalame e lagolagosua ai i le atina'e o turisi lea e aofia ai le poloketi o le Apia Waterfront Project; faalauiloaina ma le amata fa'amamaluina o Faiga Faavae mo le Puipuiga o Samoa e ala i lana Samoa National Security Policy faatasi ai ma fuafuaga mo le amata fausiaina o le Nofoaga Tutotonu mo Aoaoga Faaleoleo ina ia saga faamautuina ai le saogalemu ma le malu puipuia o le atunu'u; aemaise o atina'e ma galuega tetele lea ua amata tapena nei mo le tausaga faaletupe fou e aofia ai le Ala Faalava po'o le Cross Island Road ma le fa'aaauina o le auala e aga'i atu i le Itu i Sisifo i le Malae Vaalele Faavaomalo i Faleolo.

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

III. TAIALA O LE TALA O LE TUPE

Lau Afioga i le Fofoga Fetalai,

I tausaga ua tuana'i, ua tatou matauina le aafia ai o Samoa ma ana atina'e i le tele o faalavelave faalenatura lea e faitau miliona tupe a le Malo ua fa'aaluina e toe faalelei ai atinae tetele sa faaleagaina faatasi ai ma le toe faafofosia o le soifua lautele a le atunu'u i le tulaga sa iai muamua. E le gata i lea, sa aafia fo'i lo tatou tamaoaiga ina ua faaletonu le tamaoaiga o le lalolagi i lea vaitau ma sa vave tali atu le Malo i ana taumafaiga eseese e saili fofo ma tu'u mamaina ai aafiaga i le tamaoaiga o le atunu'u.

Lau Afioga i le Fofoga Fetalai,

A fua i le tele o luitau sa feagai ma le atunu'u i tausaga ua mavae, e lagona lava le faagaioetia i le mafai ona vave tali atu i le tele o nei aafiaga aemaise ai fo'i le vave ona toe siitia le tulaga lelei o le tatou tamaoaiga. O le faamaoniga o leni faamatalaga o le vave toe faaleleia lea o le tele o auaunaga i le mae'a ai o le Afa o Gita i le 2018.

Mo le agai atu i le lumana'i, o lea ua taoto le finagalo a le Malo e tataua ona tapena ni faiga faavae e mamao lana va'ai taula'i ma e laugatasia uma ai taunuuiga moomia mo vaega maoti uma a le tamaoaiga. O leni fuafuaga mamao a le Malo ua ogatasi ma le faamoemoe mo le faalauiloaina o lana "Taiala mo Samoa 2040", o se fuafuaga mamao mo leisi 20 tausaga lea ua manino ma maioio lelei ai vaega maoti o le a taimua i le atinae o Samoa.

O nei taumafaiga uma, o loo faavaeina ai le manulauti o le tausaga faaletupe o loma nei o le **“Ia autasi mo se lumana'i manuia o Samoa”**. O loo folasia i le Tala o le Tupe 2019/20 vaega o le a ave iai le faamuamua a le Malo lea e faamoemoe o le a ta'imua i le atinae o si o tatou atunu'u ma e faamoemoe fo'i o le a fesoasoani e unai atinae o lo'o lagolagosua i le Samoa 2040.

Lau Afioga i le Fofoga Fetalai,

E fia faaogaina fo'i leni avanoa t ua e matou te toe faaleoina ai le sao t ua tele a le Vaega o Pisinisi Tumaoti po'o le Private Sector i le atinae ma le tamaoaiga o le atunu'u. O le Faiga Faapaaga a le Malo ma le Vaega o Pisinisi Tumaoti o loo siitia pea ma mausal i tausaga taitasi ma o lea ua t atu la outou mat palapala e ala i le toe iloiloaina lea o la outou auai i nisi o Komiti Faatonu a le Malo e mafai ai ona aumai la outou sao e faaleleia atili ai auaunaga a le Malo. O lea fo'i ua maut a tatou feiloaiga i kuata e fa o le tausaga ina ia maua pea le avanoa e tatou te fetufaa'i ma faasoa i auala e le gata ina manuia ai a outou pisinisi, faatele ai avanoa faigaluega, ae siitia maua ai pea le tamaoaiga.

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

Lau Afioga i le Fofoga Fetalai,

O a tatou tapenaga i tausaga ua tuana'i, o le a fesoasoani i galuega ma fuafuaga mo le amata faatinoina o le "Taiala mo Samoa 2040". I le taimi nei, ua mafai ona ausia le tuuaititia o tupe alu i le tulaga sa iai muamua a o lea aafia le atunu'u i faalavelave faalenatura. O lea fo'i ua amata faatino suiga tetele i faiga faavae mo tupe maua a le Malo e lagolago ai i atina'e ma saga faamausal ina ai se lumana'i manuia o si o tatou atunu'u ma ona tagatanu'u.

O le a fa'aauau pea ona tuuifaaatasia ma mulimulita'i faiga faavae e faamalosia ai lo tatou tali atu i aafiaga e ono afaina ai lo tatou tamaoiga. O nei taumafaiga o lo'o taialaina i faiga faavae mo le pulea lelei o tupe alu a le Malo. O lea, e faailoa atu ai ma le agaga fiafia ua mafai ona faamauina mo le tausaga 2019/2020 se faasiliga o tupe alu a le Malo i ana tupe maua i le n o le 1% o le tamaoiga, po'o le 2.5% ua tuuaititia ai pe a fua i le tausaga 2018/2019. O leni tapulaga o lo'o ogatasi ma taunuuga o lo'o folasia i le Taiala mo le Atinaega o Samoa ma o le a fesoasoani fo'i i le ausia o le tulaga moomia mo aitalafu a le Malo lea ua tapula'a i le 40% o le tamaoiga. O le faaititia fo'i o le faasiliga o tupe alu i tupe maua o le a fesoasoani lea i le Malo i le fa'aavanoaina o vaegatupe fa'aga'aga e tali vave atu ai i ni aafiaga e ono tula'i mai i le lumana'i ona o faalavelave faalenatura ma ni tulaga faaletonu o le tamaoiga o le lalolagi.

IV. OTOOTOGA O LE TALA O LE TUPE**Lau Afioga i le Fofoga Fetalai,**

O le ootoga leni o le Tala Faatatau o le Tupe mo le Tausaga Faaletupe 2019/2020:

TUPE MAUA		<u>\$ 826.6milion</u>
Tupe Maua Masani	\$ 646.4milion	
Tupe Faameaalofa mai Fafu	\$ 180.2milion	
		<u>\$ 913.6milion</u>
TUPE ALU		
Tupe Alu Faale-Tulafono	\$ 145.6milion	
Polokalame o Tupe Alu	\$ 583.7milion	
Tupe Faaalu le Fuafuaina	\$ 17.5milion	
Tupe Alu I Atinae	\$ 166.8milion	

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

FAASILIGA O TUPE ALU I TUPE MAUA**FAATUPEINA E:**

Faaunegatupe Mama e Faatupe ai Atinae	\$ 26.1milion	<u>-\$ 87.00milion</u>
---------------------------------------	---------------	-------------------------------

<u>TINOITUPE (TUPE PAU/TUPE FAASILD)</u>	<u>-\$ 60.90milion</u>
---	-------------------------------

O le faasiliga o tupe alu a le Malo na i lo ana tupe maua o loo fuafuaina lea i le \$87.0milion. A toesea mai ai tupe alu ma tupe maua i le va lava ia o Matagaluega a le Malo, e tuaititia lenei paleni i le na o le \$28.5milion poe le 1% o le tamaoaiga e tusa ai ma le Tala Faatatau Taula’i o le Tupe o loo tu’uina atu faatasi ma lenei Tala o le Tupe.

V. FAATAVAE O TUPE MAUA**Lau Afioga i le Fofoga Fetalai,**

O le aotelega o *Tupe Maua Masani* e fuafua o le a faatupulaia i le \$18.4milion poe le 2.9% mo le tausaga faaletupe o loo loma nei ma e faamoemoe o le a unai tele i le siatia o tupe e mafai ona aoina mai i lafoga ona o atinae faatino aua le talimalo a le atunuu i Taaloga o le Pasefika faatasi ai ma nisi o fonotaga e pei ona taia.

O *Tupe Maua mai Lafoga* e faamoemoe o le a faatupulaia i le 3.1% pasene e afua mai i vaega tetele nei:

- 15% o le a faatupulaia ai tupe maua mai i tiute;
- 11% o le a faatupulaia ai tupe maua mai lafoga o oloa auina mai fafo;
- 3% o le a faatupulaia ai tupe maua mai lafoga i luga o oloa i totonu o le atunuu;
- 2% e faatupulaia ai lafoga i luga o oloa faapitoa (excises).

O *Tupe Maua e Ese Mai i Lafoga* o le a faatupulaia i le 0.7% ona o le faaauaina lea o le toe fetuunai o nisi o tau o auunaga faatasi ai ma le tausisia o le aoina mai o nei tupe maua e Matagaluega a le Malo.

O *Tupe Faameaalofa mai i a tatou paaga mai fafo* o le a tuaititia e tusa ma le 21% i le ma’ea ai o nisi o galuega tetele a le Malo o loo faatinoina i le taimi nei. O nei atinae e aofia ai le Faamalosi o Tapenaga mo Gataifale (tuaititia i le 56%), Polokalame a le Pasefika e tali atu i Aafiaga o Fesuaiga o le Tau (tuaititia i le 53%), Fesoasoani mo le Faalauteleina o Auala (tuaititia i le 68%), Polokalame Tuufaataasi mo Faalapotopotoga Tumaoti (tuaititia i le 58%).

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

Polokalame Fesoasoani mo Aoaoga (tuʻuʻiitiia i le 62%), faʻatasi ai ma le aveesea o le fesoasoani masani a le Faletupe o le Lalolagi mo le Tala o le Tupe ae faʻasoa atu i le Poloketi mo le ausia o Taunuuga Moomia mo le puipuia mai faama'i leaga i le vaega o soifua maloloina.

VI. ATINA'E O LO'O AVE IAI LE FA'AMUAMUA

Lau Afioa i le Fofoga Fetalai ma Sui Mamalu o le Palemene,

O le aotelega o tupe alu a le Malo mo atinaʻe e faamoemoe o le a tuʻuʻiitiia i le 3.3% ma faʻamauiina i le \$914.1 miliona talu ai o le a faʻamaeʻaina nisi o atina'e tetele o lo'o faatupeina i fesoasoani a tatou pa'aga.

O Tupe Alu mo Polokalame a Matagaluega a le Malo e faamoemoe o le a siʻitia i le 3.4% ma e afua mai lea i le faʻatinoga o nisi o atinaʻe o le a ave iai le faʻamuamua i le tausaga faaletupe fou e aofia ai vaega nei:

- Vaega II o le fa'aauuina o siitaga o totogi mo tagata faigaluega a le Malo e fua ile fesiita'i o le tau o le soifuaga (COLA);
- Amata faamamaluina le siʻitaga o le pasene o saofaga ile NPF;
- Taaloga o le Pasefika ia Iulai o le tausaga nei;
- Fonotaga a Minisita o Faiga Faiva o le Atu Karipeane ma le Pasefika o le a faia mai i Samoa ia Setema 2019;
- Fonotaga a Minisita o Malosiaga ma Felaʻuaʻiga a le Pasefika o le a talimalo ai foʻi Samoa ia Setema 2019;
- Usuia i Samoa nei o Fa'aaliga o Tu ma Aganu'u o le Pasefika ia Iuni 2020;
- Sainia i Samoa nei o le Feagaiga Faapa'aga a le Iuni o Europa ma Atunuu Aferika, Karipeane ma le Pasefika ile masina o Iuni 2020;
- Fausia o le Ofisa Fou mo le Komisi o Faigapalota;
- Poloketi e faamalosia ai le aoina mai o Lafoga mai Pisinisi Tuma'oti e fa'aagaina ai Auala Faatekonolosi (VAGST Electronic Register Project);
- Atinaʻe o le Malae Vaalele i Tiavea;
- Poloketi mo Pepa o Faamaumauga mo Tagatanu'u uma (National ID Project);
- Fausia o le Ofisa Fou a le Komisi Maua'uga o Samoa i Ueligitone, Niu Sila;
- Toe faaleleia ma le fausiaina o le auala tele mai Vaiaata e aga'i atu i Patamea e soso'o atu ai ma le auala sima tele i Mali'oli'o i Samalaeulu;
- Fausia o le Ofisa Fou o le tatou Konesula i Amerika Samoa;
- Fale Faafogafale 5 a le Malo i Savalalo;
- Faatuina o se Faaputugatupe faapitoa a le Malo mo le Inisiua o ana Aseta ma Meatotino; ma le

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

- Fesoasoani tupe e \$500,000 mo tapenaga a le Manu Samoa mo le Ipu o le Lalolagi.

E ao pea ona ou faailoa i lo outou mamalu le taua o le usua ai i Samoa nei o Fonotaga ma Taaaloga Faavaomalo lea e fesoasoani tele i le una'ia ai o atina'e o le tamaoaiga i tausaga ta'itasi. O se mitamitaga fo'i ia te a'u lo'u toe faaleoina o le talisapaia e atunuu o le ACP - European Union o le ofo a Samoa e Sainia le Feagaiga Fou a Atunuu Aferika, Karipeane, le Pasefika ma le Iuni a Europa i Samoa nei i le tausaga 2020 e pei ona ou ta'ua muamua. O le ulua'i taimi lenei o le a sainia ai lenei feagaiga i le Pasefika ma o se Fonotaga e tele faamanuiaga mo lo tatou tamaoaiga aemaise o le faalauiloa ai mo Samoa i le lalolagi ma saga una'ia ai le atina'e o Turisi. O le a fa'aauau pea taumafaiga a le Malo, e talimalo i nei fonotaga ma ta'aaloga faavaomalo i tausaga o lumana'i ai.

Lau Afioga i le Fofoga Fetalai,

O le a ou oto'otoina atu vaegatupe faatatauina mo Matagaluega ma Ofisa a le Malo mo le tausaga faaletupe fou:

1. Matagaluega o Faatoaga ma Faiga Faiva

- \$18.6miliona ua faatatauina i lalo o le Matagaluega e aofia ai:
 - \$11.6miliona mo auaunaga masani;
 - \$3.5miliona mo Galuega e avea ai ma Sui o le Malo e aofia ai vaega nei:
 - ✧ \$0.5miliona mo le Faatupeina o le Faaaliga o Faatoaga ma Faiga Faiva;
 - ✧ \$0.34miliona mo le *Women in Business*;
 - ✧ \$0.1miliona mo le poloketi o le Agro Tourism;
 - \$3.5miliona mo le Faalapotopotoga o Sueseuga Faasaienisi a Samoa (SROS);
- \$5.9miliona mo poloketi faatupeina mai fesoasoani faameaalofa mai fafo mo atina'e tau faatoaga;
- \$1.5miliona mo polokalame e faatino sa'o e pa'aga;

2. Matagaluega o Pisinisi, Alamanuia ma Leipa

- \$19.85miliona ua faatatauina i lalo o le Matagaluega e aofia ai:
 - \$4.9miliona mo ana auaunaga masani;
 - \$1.5miliona mo Galuega e Avea ai ma Sui o le Malo e aofia ai le:
 - ✧ \$0.2million e fesoasoani ai i Faalapotopotoga o Pisinisi Tumaoti;
 - \$0.45miliona mo le *Small Business Enterprise Centre*;

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

- \$0.05milionā mo le Chamber of Commerce;
 - \$13milionā mo le Pulega o Tagata Tafafao Maimoa mai Fafo;
 - \$0.24miliona le aotelega o atinae faatupeina mai fesoasoani faameaalofa mai fafo mo le Vaega o Fefaatauaiga ma Pisinisi;
 - \$1.4milionā mo polokalame faatinoina sae e paaga;
 - \$5.5milionā le aotelega o atinae faatupeina mai fesoasoani faameaalofa mai fafo mo le Vaega Maoti o Turisi;
 - \$7.3milionā mo polokalame faatinoina sae e paaga.
- 3. Matagaluega o Feso’ota’iga ma Fa’amatalaga Fa’atekonolosi**
- \$7.6milionā ua faatatauina i lalo o le Matagaluega e aofia ai:
 - \$2.4milionā mo ana galuega faatinoina;
 - \$3.2milionā mo Galuega e Avea ai ma Sui o le Malo e aofia ai le Samoa National Broadband Highway;
 - \$2milionā mo le Ofisa o le Pule Faatonu.
 - \$12.5milionā le aotelega o atinae faatupeina mai fesoasoani faameaalofa mai fafo mo le Vaega o Feso’ota’iga;
 - \$0.54milionā mo polokalame faatinoina sae e paaga.
- 4. Matagaluega o Aoga, Taaloga ma Aganu’u**
- \$109.5milionā ua faatatauina i lalo o le Matagaluega e aofia ai:
 - \$70.8milionā mo ana galuega faatinoina;
 - \$6.2milionā mo Galuega e Avea ai ma Sui o le Malo e aofia ai vaega nei:
 - ✧ \$1.3milionā se fesoasoani mai i Malo o Niu Sila ma Ausetalia;
 - ✧ \$1milionā mo sikolasipi a faiaoga;
 - ✧ \$0.5milionā mo le Faaliga o Tu ma Aganu’u o le Pasefika ia Iuni 2020;
 - \$14.4milionā mo le fesoasoani a le Malo mo aoga uma o le atunu’u;
 - \$0.5milionā mo le Iuni Lakapi;
 - \$0.15milionā mo le Asosi mo le Netipolo;
 - \$0.2milionā mo le atinaeina o taaloga;
 - \$11.25milionā mo le Iunivesite Aoa o Samoa;
 - \$4.1milionā mo le Pulega o Faailoga Taualoga;
 - \$1.85milionā mo le Pulega o Fale Taalo;
 - \$1.5milionā le aotelega o atinae faatupeina mai fesoasoani faameaalofa a tatou paaga mo le Vaega Maoti o Aoaoga;
 - \$21.5milionā mo atinae ma polokalame e faatinoina sae e paaga;

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

5. Matagaluega o Tupe

- \$98.5miliona ua faatatauina i lalo o le Matagaluega e aofia ai;
 - \$15.1miliona mo ana galuega faʻatino;
 - \$83.4miliona mo Galuega e Avea ai ma Sui o le Malo. O le tele lava o ia vaegatupe o sao a le Malo i a tatou atinaʻe ma poloketi o loʻo faʻatinoina i le taimi nei e aofia ai:
 - ✧ \$1miliona mo le poloketi e faʻamalosi ai le aoina mai o lafoga i luga o oloa poʻo le VAGST Electronic Register Project;
 - ✧ \$15miliona mo le tatou taligamalo i Taaloga o le Pasefika;
 - ✧ \$2.5miliona mo le Faletupe o Atinaʻe e totogi ai ana nogatupe mai le European Investment Bank;
 - ✧ \$1.3miliona mo le Ofisa Fou a le Malo i Ueligitone;

6. Matagaluega o le Va-i-Fafo ma Fefa’atua’iga

- \$23.6miliona ua faatatauina i lalo o le Matagaluega e aofia ai:
 - \$17.3miliona mo ana auaunaga masani;
 - \$6.3miliona mo Galuega e Avea ai ma Sui o le Malo e aofia ai le \$3.2miliona mo sikolasipi faʻatasi ai ma le tau o taligamalo a Samoa i isi fonotaga faavaomalo e pei ona taʻua muamua;

7. Matagaluega o le Soifua Maloloina

- \$112.1miliona ua faatatauina i lalo o le Matagaluega e aofia ai:
 - \$73.2miliona mo ana auaunaga masani;
 - \$23miliona mo Galuega e Avea ai ma Sui o le Malo e aofia ai ma vailaʻau, fualaʻau ma nisi tulaga moomia masani mo le falemaʻi;
 - \$8miliona mo le auina atu o gasegase mo togafitiga i atunuʻu mamao;
 - \$7.6miliona mo le Faalapotopotoga Faavae Tau Fatu Gaʻo;
- \$9.3miliona le aotelega o atinaʻe o loʻo faʻatupeina i fesoasoani faʻameaalofa mai a tatou paʻaga mo le Vaega Maoti o le Soifua Maloloina;
- \$5.1miliona mo polokalame o loʻo faʻatino saʻo e paʻaga.

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

8. Matagaluega o Fa’amasinoga

- \$13.1miliona ua faatatauina i lalo o le Matagaluega e aofia ai:
 - \$11miliona mo ana galuega faʻatino;
 - \$2miliona mo Galuega e Avea ai ma Sui o le Malo lea e aofia ai Auaunaga Faaloia mo le Mamlu o le Atunuʻu faʻatasi ai ma le Fuataga o Tuoai o Nu'u ma Itumalo;
- \$1.2miliona le aotelega o atinaʻe faʻatupeina i fesoasoani faameaalofa mai a tatou paʻaga mai fafo mo le Vaega Maoti o Tulafono ma Faʻamasinoga e aofia ai polokalame o loʻo faʻatinoina e isi Ofisa a le Malo;
- \$17.2miliona mo polokalame o loʻo faʻatino saʻo e paʻaga.

9. Matagaluega o Punaoa Faanatura ma le Siosiomaga;

- \$25.3miliona ua faatatauina i lalo o le Matagaluega e aofia ai:
 - \$12.8miliona mo auaunaga masani a le Matagaluega;
 - \$12.5million for Galuega e Avea ai ma Sui o le Malo e aofia ai konekarate mo le vaʻavaʻaia o otaota lafoaʻi faʻatasi ai ma tau i fanua;
- \$16.4miliona le aotelega o atinaʻe o loʻo faʻatupeina mai fesoasoani faameaalofa mai fafo mo le Vaega Maoti o le Siosiomaga;
- \$3.7miliona mo polokalame e faʻatino saʻo e paʻaga.

10. Matagaluega o Leoleo

- \$32.9miliona ua faatatauina i lalo o le Matagaluega e aofia ai:
 - \$24miliona mo ana auaunaga masani;
 - \$1.7miliona mo Galuega e Avea ai ma Sui o le Malo lea e aofia ai vaegatupe mo le auina atu o alii ma tamaitai leoleo i polokalame laveaʻi a le UN.
 - \$7miliona mo le Auaunaga Tineimu ma Faalavelave Tutupu Faafuasei;

11. Matagaluega a le Palemia ma le Kapeneta;

- \$8.5miliona ua faatatauina i lalo o le Matagaluega e aofia ai:
 - \$6.2miliona mo ana galuega faʻatino;
 - \$2.3million mo Galuega e Avea ai ma Sui o le Malo;

12. Matagaluega o Tupe Maua

- \$12.5miliona ua faatatauina i lalo o le Matagaluega e aofia ai:
 - \$10.5miliona mo ana auaunaga masani;
 - \$1.95million mo Galuega e Avea ai ma Sui o le Malo;

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

13. Matagaluega o Tina, Tamaitai, Atina’e o Nu’u ma Agafeso’ota’i

- \$10miliona ua faatatauina i lalo o le Matagaluega e aofia ai:
 - \$9.1miliona mo ana galuega faʻatino;
 - \$0.98miliona mo Galuega e Avea ai ma Sui o le Malo;
- \$5.5miliona le aotelega o fesoasoani faʻameaalofa mai fafo mo le Vaega Maoti o Atinae o Nuʻu ma Alalafaga;
- \$2.8miliona mo polokalame o loʻo faʻatino saʻo e paʻaga.

14. Matagaluega o Galuega, Fela’ua’iga ma Atina’e Tetele

- \$47.1miliona ua faatatauina i lalo o le Matagaluega e aofia ai:
 - \$4.8miliona mo auaunaga masani;
 - \$2miliona mo Galuega e Avea ai ma Sui o le Malo e aofia ai vaegatupe aoina mai i lafoga o le saogalemu a le malaevaalele aua atinae tau Vaalele sivili;
 - \$29.7miliona mo le Pulega o Fela’ua’iga ile Laueleele;
 - \$6.6miliona le fesoasoani a le EU i atinae tetele a le Pulega o le Suavai;
 - \$2miliona e faʻam m avega i atinae a le Pulega a le Suavai mo auaunaga tuʻuina atu i nuʻu ma alalafaga(CSOs);
 - \$2miliona e faʻam m avega i atinae a le Pulega o Malosiaga Tau Eletise mo auaunaga tuʻuina atu i nuʻu ma alalafaga (CSOs);
- \$65.8miliona le aotelega o atinae o loʻo faʻatupeina mai fesoasoani faʻameaalofa mai fafo mo le Vaega Maoti o Fela’ua’iga ma Atinae Tetele;
- \$11.8miliona mo polokalame e faʻatino saʻo e paʻaga;
- \$26.1miliona mo atinae o loʻo faʻatupe mai i nonogatupe e m m tului.

15. Ofisa a le Loia Sili

- \$5.3miliona ua faatatauina i lalo o le Matagaluega e aofia ai:
 - \$4.5miliona mo ana galuega faʻatino;
 - \$0.38miliona mo Galuega e Avea ai ma Sui o le Malo.

16. Ofisa o le Su’etusi Sili

- \$3.9miliona ua faatatauina i lalo o le Matagaluega e aofia ai:
 - \$3.9miliona mo ana auaunaga masani;
 - \$0.55miliona mo isi Galuega e Avea ai ma Sui o le Malo;

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

17. Ofisa o le Komesina o Faiga Palota

- \$5.97miliona ua faatatauina i lalo o le Matagaluega e aofia ai:
 - \$2.1miliona mo ana auaunaga masani;
 - \$3.9miliona mo isi Galuega e Avea ai ma Sui o le Malo o loʻo aofia ai se vaegatupe e tusa ma le \$3miliona mo le fausiaina o le latou ofisa fou;

18. Ofisa o le Fono Aoaofa Faitulafono

- \$6.5miliona ua faatatauina i lalo o le Matagaluega e aofia ai:
 - \$2.1miliona mo auauanga i le Fono Aoaofa Faitulafono;
 - \$1.1miliona mo isi Galuega e Avea ai ma Sui o le Malo e aofia ai aoaoga ma polokalame faʻalauiloa;

19. Ofisa o le Komesina o Sulufa’iga

- \$1.2miliona ua faatatauina i lalo o le Matagaluega e aofia ai:
 - \$1.03miliona mo galuega faʻatino;
 - \$ 0.17million mo isi galuega e aveia ai ma sui o le Malo;

20. Ofisa o le Komisi o Tagata Faigaluega a le Malo

- \$4.99miliona ua faatatauina i lalo o le Matagaluega e aofia ai:
 - \$4.2miliona mo ana auaunaga masani;
 - \$0.84miliona mo galuega e aveia ai ma sui o le Malo;

21. Ofisa o le Tausi Mavaega

- \$0.5miliona mo ana galuega faʻatino masani;

22. Matagaluega o Fa’alapotopotoga a le Malo;

- \$2.7miliona ua faatatauina i lalo o le Matagaluega e aofia ai:
 - \$2.2miliona mo ana auaunaga masani;
 - \$0.5miliona mo galuega e aveia ai ma sui o le Malo;

23. Ofisa o Fuainumera Faamauina

- \$5.4miliona ua faatatauina i lalo o le Matagaluega e aofia ai:
 - \$3.9miliona mo ana galuega faʻatino masani;
 - \$1.5miliona mo Galuega e aveia ai ma Sui o le Malo lea o loʻo aofia ai tupe faatatauina mo suesuega po’o surveys faapitoa mo le Vaega o le Soifua Maloloina ma le Vaega o Faʻatoaga.

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

24. Komisi o le Toe Fuataina o Tulafono

- \$1.5miliona mo galuega faʻatino a le Komisi e aofia ai nisi galuega e aveia ai ma sui o le Malo;

25. Matagaluega o Fale Puipui

- \$7.1miliona ua faatatauina i lalo o le Matagaluega e aofia ai:
 - \$5.6miliona e faʻatino ai a latou auauunaga masani;
 - \$1.5miliona mo nisi Galuega e Avea ai ma sui o le Malo lea o loʻo aofia ai le vaega mulimuli o le konekarate mo le fausiaina o le Fale Puipui i Tanumalala;

VII. TUPE LE FUAFUAINA

O le aofaiga o Tupe Le Fuafuaina mo le tausaga 2019/2020 e tusa ma le \$17.5miliona e fua lea i le aotelega o polokalame mo tupe fa'aalu a Matagaluega a le Malo.

VIII. TUPE ALU I ATINA'E

Lau Afioga i le Fofoga Fetalai,

O loʻo lagolagoina atinaʻe uma a le Malo i fesoasoani o lo'o faamatuuina mai e a tatou paʻaga masani e ala i polokalame eseese o loʻo faʻatupeina i tupe faameaalofa ma nogatupe mo le tausaga faaletupe o loʻo loma nei.

E ao lava ona faʻailoa atu o nei atinaʻe fou e le o aofia ai atinaʻe ma poloketi a le Malo o loʻo faʻaauiaina pea i le taimi nei.

IX. TALA FAATATAU FA'AOPO'OPO LONA LUA O LE TUPE 2018/2019

Lau Afioga i le Fofoga Fetalai,

Ou te tuʻuina atu foʻi i luma o le laulauafono a le Palemene le Tala Faaopo'opo Lona Lua o le Tupe mo le tausaga faaletupe 2018/2019. O lenei Tala Fa'aopo'opo Lona Lua o le Tupe e l aafia pe suia ai le faʻasiliga o tupe faʻaalua na i lo tupe maua e pei ona iai nei.

X. UPU FAAIU

Lau Afioga i le Fofoga Fetalai,

O le Tala o le Tupe ua tu'uina atu nei o loʻo atagia ai se Faigamalo o loʻo naunau ia lava tapena lelei mo le lumanaʻi e fua lea i le mafai ona faavasega lelei vaega o loʻo ave iai le faʻamuamua ma tapena lelei faiga faʻavae ia mautinoa ai se lumanaʻi manuia mo Samoa.

28 ME 2019

Saunoaga o le Tala Faatatau Autu o le Tupe 2019/2020
“Ia autasi le vaai taula’i mo se manuia o Samoa”

O loʻo manino foʻi i lenei tapenaga se Faigamalo o loʻo nofo mataala pea i tulaga uma e tatau ona tapena ai ina ia mafai ona malu puipuia le tamaoaiga o le atunuʻu ma ia ogatasi uma nei tapenaga ma le siʻitia maualuga o le soifua manuia o tagata uma.

Ua mautinoa foʻi le faʻat uaina o le faʻavaeina lelei o taʻiala alualu mamao mo le siʻitia o auunaga ma le unaʻia o atinaʻe eseese i totonu o le atunuʻu aua le faʻatupulaʻia o avanoa faigaluega.

O nei taunuʻuga ma naunautaga uma ua mafai ona fuafuaina ma o le a faʻatinoina i le fesoasoani mai o le tele o paʻaga masani a le Malo mai fafo ma e fia faamauina le agaga faafetai tele a le Malo ma le atunuʻu ia tatou paʻaga masani mo lo latou lagolago ma lo latou foʻi sao i le atinaʻe o si o tatou atunuʻu. Faafetai, faafetai tele lava!

E avea foi lenei avanoa e faʻafetaia ai le mamalu o le atunuʻu mo lo outou sao taua mo le tausaga faaletupe ua mavae atu 2018/2019, ma o la matou tatalo ia iai pea le agalelei ma faʻamanuiaga a Le Atua ia Samoa atoa a o tatou alo atu i le faʻamanatuina o le 57 tausaga o le tutoʻatasi o si o tatou atunuʻu.

Lau Afioga i le Fofoga Fetalai,

I loʻu agaga faʻaalalo tele, ou te tuʻuina atu ai le Tala Faʻatatau Autu o le Tupe, mo le tausaga 2019/2020 mo le lauliliuina e le Palemene.

Soifua.

FOFOGA FETALAI: Malo faafetai saunoa i lau Afioga i le Minisita o Tupe, e le faigofie le galuega ma le sauniuniga ma le tapenaga ae ua faafofoga foi le paia o le Palemene, aemaise foi o Ofisa Sili o Pulega o Matagaluega ma Faalapotopotoga a le Malo ae faapea foi le faafofoga tapuai mai a Samoa i le saunoaga faamanino ma faamalamalama le Tala Faatatau Autu o le Tupe 2019/2020.

E tusa ai ma le Tulafono Tumau 133, o le a tolopo felafolafoaiga i le Tulafono Tau Faaofi o le Faatatauina o Tupe 2019/2020 e le itiiti ifo i le 14 aso a o tuuina atu le Tala Faatatau Autu o Tupe 2019/2020 mo le iloiloga a le Komiti o Tupe Maua ma Tupe Totogi ma toe lipoti mai i le Fono Aoao.

Ou te tapa lau Afioga i le Palemia mo sau Saunoaga Faa-Minisita.

28 ME 2019

SAUNOAGA FAA-MINISITA A LE AFIGOA I LE PALEMIA

Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI: Lau Afioga i le Fofoga Fetalai faapea le mamalu o sui usufono o lenei Fono Aoaofaitulafono, ou te tulai atu ma le ava tele e molimoli atu se upu faafetai i lau Afioga i le Minisita o Tupe mo le saunoaga manino e auiliili ai le Tala Autu o le Tupe mo le tausaga fou faaletupe a le Malo o le a faafoefoe ai a tatou galuega eseese mo le isi tausaga fou faaletupe afua i le masina o Iulai i le faaiuga o Iuni o le tausaga fou. O lea ua faafofoga o le a tea atu nei le Tala Autu na tolaulauina nei e tusa ai ma aga masani a le tatou Palemene e galulue i ai le Komiti o le Palemene latou te soalaupule ma toe lipoti mai ai i le Palemene lenei mo sana faamaoniga. Ia o outou mama na, a outou a Afioga i le Komiti o le a faatinoina lenei galuega, pe a ma le lua vaiaso tou te toe valaau ai uma Ofisa Sili o Pulega o Matagaluega ma Faalapotopotoga e toe faamanino atili le Tala o le Tupe i nisi o vaega tou te moomia ai se faamalamalama aua la outou toe lipoti mai i totonu o le Maota lenei. O se mataupu ogaoga tele e fou ua feagai nei ma le tatou Palemene sa le i mafaufauina o le a tupu mai i le tatou Paeaiga lenei, o le tulaga lea i le tofiga mamalu o le Peresetene o le Faamasinoga o Fanua ma Suafa o lo ua faagafua nei i se tulaga le tumau i le faaiuga a le Komisi o Galuega a le Faamasinoga, e nafa ma tofiga a lea foi itutino lenei o le Tafatolu o le Faamasinoga ma ua uma foi ona tagofia e le Komisi lenei le **Judicial Services Commission (JSC)**.

Peitai, e le mafai le mafai ona taunuu i se faaiuga mautu se latou faaiuga se i vagana ai ua fai muamua i ai se iuga a le Palemene lenei i le toe faaauau o lona tofiga po o le faamutaina foi lea o lo o i totonu o le Palemene le malosi lena. O lea la ua see mai le tofiga o le Peresetene e fai i ai se tatou faaiuga e ala i le palota i se palota i se lafo e faatu e le Malo, pe a toe tomanatu le Palemene lenei i lana faaiuga na fai lava i totonu o le Maota lenei o le Palemene i se taimi e le i mamao atu, e faatu ai se Komiti latou te vailiiliina totoa se fofu o le mau faafitauli ua faafeagai ma lea foi itutino o le tafatolu fefaatauagai o le Malo ae pitoa i le tele o le mau faamasinoga o talosaga o lo o taliga le atunuu i a latou mataupu. O lea ua taoto atu nei i le Komiti o Tulafono teuteuga ogaoga ma le taua ua aofia ai fautuaga taua tele a le Komiti o le Palemene na tofia e vave tagofia ai nisi o mataupu tau faa-faamasinoga a le mamalu o le atunuu.

Ua maea lena galuega tele sa feagai ma le tatou Maota nei, a o lenei foi ua toe tulai mai le isi luitau o se taeao fou i upufai o le tatou Malo o le a tagofia ai e lo outou mamalu le tofiga o se alii Faamasino o se uluai taimi lenei o le a fai ai loa e le Palemene lenei o Samoa se iuga o se alii Faamasino, ae o le Peresetene foi o le faatumutumuga lea o le Faamasinoga o Fanua ma Suafa. O se mataupu tulaga ese lea o le a faafeagai ai nei ma a outou Afioga o lenei foi Paeaiga a le Palemene. O se luitau o le a filimafua ai la outou faatofalaiga ae o se matatia fou mo le tatou Maota nei.

28 ME 2019

Saunoaga Faa-Minisita a le Afioga i le Palemia

O le faalupega masani tatou te faafogafoga pea i ai, o le Tafatolu o Faigamalo, e faasino lea i le Faamasinoga, le Palemene ma le Pule Faatonu e agai pe mataitu i taimi uma e le isi itutino le isi itutino. O le mafuaaga lea o le faalupega, o le tafatolu fefaatauagai. E le aiaina foi e le isi itutino le isi itutino i lalo o le Tulafono Faavae o le Malo Tutoatasi, e taufai tutoatasi uma lava i latou, ae o lo o aiaia foi i lalo o le Tulafono Faavae lava lenei, o le Tulafono sili lea o so o se Malo o lo o pulea i faiga faatemokarasi, o lo o aiaia ai nisi tiute faapitoa e mafai ai ona aiaina e le Palemene o le Malo o Samoa nisi o tofiga e aofia ai tofiga o lau Afioga i le Fofoga Fetalai, le Palemia ma alii Faamasino pe afai lea ua i ai se faaluafesasi ogaoga. Aisea ua faapea ai? O le tali puupuu, o le Palemene lenei o Samoa o lo o saofafai ai Taitai Filifilia o itumalo uma o Samoa atoa. O lea o lo o i o outou aao mamalu faalupelupe o tupu ma ee o afioaga uma o le atunuu lenei. E leai la se isi o toe aisili. A oo la ina oootutu le tai o fanaloga ae susue fuefue le tai o atoa ua le toe tu se ola o i nei i le Palemene lenei o Samoa e faataoto atu ai auala manino e fofa ai le filemu ma le saogalemu i faafatiatamai e tulai mai. O le ala lea o le faalupega, o le Fono Aoaofaitulafono lenei. A taoto loa Tulafono ua faamaonia e le Fono Aoaofaitulafono lenei o lo o i ai sui o tupu ma ee o Samoa ona tataua ona usitaia uma loa, po o se Tulafono e tapu ai le faaotaota i le aualatele po o se Tulafono foi faasino i totogi o lafoga lea ua maea soalaupule sui usufono, o sui taualoa o tagata uma o Samoa.

O le auau o le taofi, ou te faatuina se lafo a le Malo e faasee atu ai le mataupu lenei i le Komiti Faapitoa a le Palemene latou te silasila totoa i le faapogai ma le talafeagai o le faaiuga a le Komisi o auunaga faale-faamasinoga le **Judicial Services Commission (JSC)** ma toe lipoti mai ai mo se faaiuga faaiua a le mamalu o le Palemene lenei ina ua maea ai ona latou faatalatalanoa, ia ma toe valaau foi ni molimau e fesoasoani atili ai i se latou foi tuualalo tuusao mai le Palemene lenei. O aga ia faa le tatou foi Palemene e amata mai ona sailiili muamua e se Komiti Faapitoa mataupu ogaoga faapenei ona soalaupule ai lea e le Maota atoa o le Palemene nai lo le faatopelau o se faaiuga ogaoga o se tofiga mamalu o le faamasinoga ae le o manino atoatoa i ai le Maota i ona itu felefele uma.

O le alii Peresetene o le Faamasinoga o aafia i lenei mataupu, sa faauluulu i ai le Matagaluega lenei o le Fono Aoaofaitulafono mo ni tausaga se tele, ua malamalama foi i ai a outou Afioga o sui usufono o le Palemene, e le toe tauiso ai i a te outou uma lona tomai, lona faamaoni, ona uiga ma lana amio. Peitai, o le moliaga faasino i le Peresetene e agai tonu lava i lana amio o le faaoolima lea i se tasi o le afaigaluega, o se tasi o leoleo po ina ua le logosaia lana tuualalo ia tuua le tagofia o le ava o le fiafia a le Matagaluega o lo o faagasolo, ua le talafeagai ma ona tiute tauave. O le fatu atoa lea o le mataupu ua feagai nei ma le tatou Palemene, o le amio ua faafoliga le tautamalii, o se alii Faamasino le faaoolima e afua i se fiafia a le Matagaluega, o se mataupu e malamalama lelei i ai tatou uma e fiafia i lea foi amio o le faapio o le tulilima.

28 ME 2019

Saunoaga Faa-Minisita a le Afioga i le Palemia

Ua maea ona faasala tupe le alii Peresetene e alii faamasino mai fafo peitai, o le finagalo o alii faamasino o talosaga, e le oo se latou upu i le tomai po o le faaauau foi o le alii Peresetene e faaauau lona tofiga ona o lo o i ai i latou e nafa ma lea foi matafaioi, faasino lea i le Komisi o Auaunaga a le Faamasinoga ma le Palemene lenei, ae ua agai tonu lava le latou foi iuga i le amio e tatau ai mo alii Faamasino ia pei o ni agelu, e pei foi o alii Faamasino o i ai nei, e agelu uma lava amio. A o le lauga a le isi faifeau i pagota i Tafaigata, sole, teu le tou amio, pau le eseesea o outou ma matou, ua maua outou ae le i maua matou.

Lau Afioga i le Fofoga Fetalai ma le mamalu o le Maota, o se mataupu o feagai nei ma le Palemene, e matua taua tele i le talafaasolopito i upufai o le tatou Malo Tutoatasi o Samoa, ona o lea faatoa faatino i le aso uiga tonu o le nonofo fefaatauagai o itutino malolosi ia e tolu o faiga faatemokarasi uma o le lalolagi, o le Faamasinoga, o le Palemene ma le Pulega Faatonu, e nafa ma tonufai mo le atinae au i luma o Samoa, o itutino e agai e le isi itutino le isi itutino ina ia faatumau ai le filemu o Samoa ma taofia ai le faaaogasese soona fai e se itutino o le paoa, the **doctrine of checks and balances of power**, ae atili malama ai i ulugalua le pule aoao a le itutino lenei o le Palemene o le Malo Tutoatasi o Samoa, **the Supremacy of Parliament**.

Lau Afioga i le Fofoga Fetalai, i le ava tele e tatau ai, ou te faatu atu ai le lafo, *Ina ia tuuina atu i le Komiti Faapitoa a le tatou Palemene sa latou soalaupuleina foi le mataupu i le tausaga talu ai o le toe fuataiina atili o galuega faalefaamasinoga latou te toe soalaupuleina ai le faaiuga ua faia e le Komisi o Auaunaga a le Faamasinoga ma toe lipoti mai ai i le Palemene mo se faaiuga faaiu i le faamutaina o le tofiga o le Peresetene o le Faamasinoga o Fanua ma Suafa o i ai nei, e faapei ona faia i ai le iuga a le Komisi o Auaunaga a le Faamasinoga.*

O le lafo taualoa lena a le Malo lau Afioga i le Fofoga Fetalai, ma le agaga faaaloalo tele. Soifua.

FOFOGA FETALAI: Malo faafetai. Ua manino auofala ma ua malamalama foi le mataupu. Faafetai o lea foi ua malele lau Afioga i le Palemia e faamanino le... Ia taoto ia le tulaga i le Tala o le Tupe o lea ua maea ona saunoa le Afioga i le Minisita o Tupe, o lea foi ua palelaei lou finagalo, e leai e le faafuluina pe laeia foi i se upu le saunoaga a le Minisita o Tupe ae ona o le finagalo e pei ona faatulai mai e lau Afioga i le Taitai o le Maota ma le Taitai o le Malo. Ia malo faafetai, ua manino le faafofogaaga e le gata i le Palemene ae faapea foi le faafofoga tapuai mai a Samoa ae a Ofisa Sili o Pulega o Matagaluega eseese a le Malo ua mafai ona tatou faatasi, le paia maualuga foi i lea itu o le malu i le paia i tuaau ma fuamalu. Ia, ae o lea ua faatuina mai le lafo e afua i le mataupu e pei ona faamanino ma faamalalama, ia o le tulaga lea i le tatou nonofo ai i le tafatolu o le Malo.

28 ME 2019

Saunoaga Faa-Minisita a le Afioga i le Palemia

O lea la ua faatulai mai e le Afioga i le Palemia le avanoa e pei foi ona tatou faatino i fatia ua sola i le la tausaga ua mavae, a o lea ua tulai mai, e ui lava o se mataupu fou, ae le fou i le tulaga o faavae ma Tulafono e limataitaiina ai le itutino faafetauagai a le Malo. O le mea la lea, o lea ua tulai mai ma ua faatu le lafo, e i ai le manatu...

Faaluaina e le Sui Palemia.

Na faamaonia le lafo.

FOFOGA FETALAI: Ia, ma ou te tapa se lafo e faatu mai ina ia faataatia i luma o le Laulau a Fono le Saunoaga Faaminisita a le Afioga i le Palemia. Tulai mai se Minisita e faatu se lafo ina ia faataatia i luga o le Laulau a Fono le Saunoaga Faaminisita a le Afioga i le Palemia.

Afioga Hon FIAME NAOMI MATAAFA (Sui Palemia): Lau Afioga i le Fofoga Fetalai ou te tulai atu ma le faaaloalo, *Ina ia faapea ona faataatia i le Laulau a Fono le Saunoaga Faaminisita a le Afioga i le Palemia.*

Faaluaina e le Minisita mo Tupe Maua ma le Minisita mo Faatoaga ma Faigafaiva.

Na faamaonia le lafo.

FOFOGA FETALAI: Ia, lau Afioga i le Palemia ou te tapa lau Afioga mo suafa o le Komiti e pei ona e faatuina mai.

Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI: Lau Afioga i le Fofoga Fetalai, ou te faatuina atu suafa o i latou nei o le a i ai i totonu o le Komiti leni:

*NAFOITOA Talaimanu Ketu.
FAUMUINA Tiatia Faaolatane Liuga
ALIIMALEMANU Alofa Tuuau
FAAULUSAU Rosa Duffy
ILI Setefano Taateo Tafili
TOLEAFOA Ken Vaafusuaga
FUIMAONO Teo Samuelu Teo*

28 ME 2019

Lafo mo le Tolopoina

Fesoasoani:

Loia Sili

Komesina o Sulufaiga

Faauluuluga o le Matagaluega o Faamasinoga

Failautusi o le Fono Aoao Faitulafono

O le lafo lena mo le Komiti.

Faaluaina e le Sui Palemia ma le Minisita mo Pisinisi, Alamanuia ma Leipa.

Na faamaonia le lafo.

FOFOGA FETALAI: Malo faafetai. Ma ua tatou toai taunuu ai foi i le siui o le tatou Galuega. Ou te tapa lau Afioga i le Palemia mo sau saunoaga e faaiu ai le tatou Fonotaga ma se lafo e tuuina mai.

LAFO MO LE TOLOPOINA

Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI: Lau Afioga i le Fofoga Fetalai, ou te tulai atu ma le faaaloalo e faatu le lafo, *Ina ia tolopoina nei Taulumaga a le Fono Aoao Faitulafono seia aulia le Aso Lua, 18 o Iuni 2019 i le itula e 9:00 i le taeao.*

Na faamaonia le lafo.

FOFOGA FETALAI: Malo faafetai. Ia e leai lava se mea e le uma, so o se galuega lava e faapena ona faagasolo e tatou te toai lava i le taunuuga ma siui ma faamuta ai galuega o lenei aso. Malo faafetai le onosai malo foi le faatoatoa, malo foi le faapalepale. Faafetai i le saunoaga a le sui usufono mamalu sa saunoa ma malele i lenei taeao, o la e faafofoga tapuai mai Samoa i le latou faamanuiaga.

E momoli foi le faafetai i Ofisa Sili o Pulega o Matagaluega ma Faalapopotoga a le Malo ua mafai ona tatou aufaatasi i le tatou aso Fono lenei, ia alofagia e le Atua ia faapena ona maua lo outou finagalo e auauna ma tautua ai e atiae Samoa e ala i Matagaluega ma outou valaauina.

E faapea foi lea itu o le malu, ua tatou faatasi ma le malaga mai le UNDP ua faapena ona fetufaai foi lagona e maua ai manatu lelei e faapena ona faasoa i le Pasefika ia maua foi le latou fiafia ma le manuia a o feagai ai ma aso o lo o faapena ona tatou faatasi ai.

28 ME 2019

Lafo mo le Tolopoina

Ae tatou te le i tolopo seia aulia le aso 18 o Iuni 2019, o le a ou faaiuina le tatou Fonotaga i se tatalo.

Na tolopo Taulumaga a le Fono Aoao Faitulafono i le itula e 11:05 i le taeao seia aulia le itula e 9:00 i le taeao o le Aso Lua, 18 Iuni 2019.